

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 452243 23 St
Tuzla, 28.06.2024. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „FITOB“ d.o.o. za proizvodnju, montažu i servisiranje alarmnih uređaja, unutrašnju i vanjsku trgovinu Tuzla, ul. Bosne Srebrene 56, nakon provedenog stečajnog postupka, donio je dana 28.06.2024. godine sljedeće:

RJEŠENJE

OTVARA SE stečajni postupak nad imovinom dužnika „FITOB“ d.o.o. za proizvodnju, montažu i servisiranje alarmnih uređaja, unutrašnju i vanjsku trgovinu Tuzla, ul. Bosne Srebrene 56, matični broj subjekta 1-3666, JIB:4209024690009, račun broj: 1340011120131923 otvoren kod ASA bank d.d. Sarajevo.

Za stečajnog upravnika imenuje se Nedret Kikanović iz Tuzle.

ZAKLJUČUJE SE stečajni postupak nad imovinom dužnika „FITOB“ d.o.o. za proizvodnju, montažu i servisiranje alarmnih uređaja, unutrašnju i vanjsku trgovinu Tuzla, ul. Bosne Srebrene 56, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 452243 23 St od 07.11.2023. godine, pokrenut je prethodni postupak radi utvrđivanja uslova za otvaranje stečajnog postupka nad imovnom društva „FITOB“ d.o.o. za proizvodnju, montažu i servisiranje alarmnih uređaja, unutrašnju i vanjsku trgovinu Tuzla, ul. Bosne Srebrene 56, a za privremenog stečajnog upravnika imenovana je Nedret Kikanović iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 04.12.2023. godine. Iz izvještaja privremenog stečajnog upravnika i navoda datih na ročištu proizilazi da društvo ne ostvaruje bilo kakve poslovne prihode protekle 4 godine, ne obavlja poslovnu djelatnost niti ima zaposlenih radnika. Račun društva je blokiran u kontinuitetu od 21.11.2022. godine. Iz uvjerenja Porezne uprave F BiH proizilazi da društvo ima obaveze u iznosu od 124.701,49 KM te dug prema Mladenu Filipoviću u iznosu od 4.207,69 KM po izvršnom naslovu na temelju kojeg je i blokiran račun društva uz napomenu da je poreznu obavezu utvrdila Porezna uprava svojom odlukom, na koju je stečajni dužnik izjavio žalbu koja je odbijena, protiv koje je pokrenut upravni spor pred sudom, u kojem upravnom sporu još uvijek nije donesena odluka, tako da je obaveza utvrđena konačnim rješenjem koje još uvijek nije steklo svojstvo pravosnažnosti. Društvo u svom vlasništvu nema nepokretnosti što je utvrđeno iz akta ZK ureda Općinskog suda u Tuzli, nema pokretnih stvari osim jedne fiskalne kase Canon koja je amortizovana i nema tržišnu vrijednost jer je taj model stavljen van upotrebe, nema novčanih sredstava (račun društva je blokiran) niti bilo koje druge imovine iz koje bi se mogli finansirati troškovi stečajnog postupka i potraživanja povjerilaca.

Stečajni dužnik nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka, imajući u vidu da je račun društva blokiran 21.11.2022. godine a prijedlog podnesen 13.09.2023. godine.

Dakle, sud nalazi da je podneseni prijedlog dopušten i da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 06.03.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.500,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 21/24 dana 20.03.2024. godine, oglasnoj tabli suda dana 07.03.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.

